

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA.

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-1420-1545-298/18 – ES/JH

Tuzla, 08.05.2019. godine

Na osnovu člana 70. stav (1) Zakona o javnim nabavkama ("Službeni glasnik BiH", broj: 39/14), odredaba Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16), donosi se

O D L U K A

Član 1.

Za pružanje farmaceutskih usluga izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima u 2019. godini, bira se ponuda ponuđača Apoteke "BLINK" Tuzla.

Član 2.

Nakon protoka Zakonom predviđenog roka, kao i dobijanjem saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora, Ugovorni organ će pozvati izabranog ponuđača radi zaključenja Ugovora.

Član 3.

Ova Odluka će biti objavljena na internet stranici Zavoda zdravstvenog osiguranja Tuzlanskog kantona istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Član 4.

Ugovorni organ će istovremeno sa slanjem ove Odluke o izboru izabranom ponuđaču, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama BiH.

Član 5.

Ova Odluka dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama BiH.

Član 6.

Odluka stupa na snagu danom donošenja.

OBRAZLOŽENJE

Na osnovu Odluke o pokretanju postupka dodjele ugovora za pružanje usluga farmaceutske djelatnosti za osigurana lica Zavoda zdravstvenog osiguranja Tuzlanskog kantona i lica kojima je po drugom osnovu dato pravo na korištenje zdravstvene zaštite za 2019. godinu, broj: 04-1420-1545-1/18 od 13.12.2018. godine, a u skladu sa Pravilnikom o postupku dodjele ugovora o uslugama iz Aneksa II dio B. Zakona o javnim nabavkama, dana 13.12.2018. godine objavljen je Javni poziv za dostavu ponuda za pružanje farmaceutskih usluga izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima u 2019. godini (u daljem tekstu: Javni poziv).

U skladu sa članom 7. stav (3) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama ("Službeni glasnik BiH", broj: 66/16), Ugovorni organ je apotekama sa kojima je imao zaključene ugovore o pružanju farmaceutskih usluga izdavanja lijekova sa pozitivne liste lijekova Tuzlanskog kantona i lijekova koji se finansiraju po posebnim programima u 2018. godini, dostavio akt broj: 04-1420-1545-3/18 od 13.12.2018. godine kojim iste obavještava o objavi Javnog poziva i upućuje da preuzmu isti, te da traženu dokumentaciju dostave u propisanim rokovima.

U skladu sa tačkom 8. Javnog poziva utvrđeno je da će isti biti otvoren do 30.11.2019. godine do 12 sati, kao i da će prvo otvaranje ponuda za pružanje farmaceutskih usluga izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima u 2019. godini biti će održano 27.12.2018. godine u 12 sati.

Svako naredno otvaranje ponuda biti će uslovljeno brojem pristiglih ponuda i vremenskim periodom od posljednjeg otvaranja ponuda.

Dana 19.12.2018. godine, Ugovorni organ je na osnovu upita/zahtjeva od strane ponuđača, na svojoj internet stranici objavio Pojašnjenje Javnog poziva, te je Pojašnjenje, putem e-maila dostavio svim apotekama sa kojima je imao zaključene ugovore o pružanju farmaceutskih usluga broj: 04-1420-1545-2-1/18.

Osmi krug otvaranja ponuda za pružanje farmaceutskih usluga izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima u 2019. godini, održano je 08.05.2019. godine u 9 sati.

Do osmog kruga otvaranja ponuda, dostavljena je 1 (jedna) dopuna ponude i to od strane ponuđača Apoteka "BLINK" Tuzla koja je blagovremena.

➤ Pregled aktivnosti oko ponude ponuđača Apoteka "Blink" Tuzla, do kompletiranja ponude: Naime, dana 15.02.2019. godine, dostavljena je ponuda od strane Apoteke "BLINK" Tuzla, ali s obzirom da ponuda nije bila formalno pravno ispravna, Apoteka je obavještana o nedostacima ponude.

Prva dopuna ponude od strane navedene apoteke dostavljena je dana 19.03.2019. godine. Uvidom u kompletnu dokumentaciju utvrđeno da ponuda i dopuna ponude ne sadržavaju sve što je zahtjevao Javnim pozivom; te je ponuda ocjenjena kao formalno pravno neispravna, a Apoteka "Blink" Tuzla ponovno je obavještana o nedostacima ponude.

Dana 25.04.2019. godine, dostavljena je druga dopuna ponude.

Nakon otvaranja, pregleda i ocjene dopune ponude, utvrđeno je da je ponuda kompletirana i formalno pravno ispravna, te je na osnovu toga sačinjen Zapisnik o otvaranju, pregledu i ocjeni ponuda sa osmog otvaranja ponuda broj: 04-1420-1545-297/18 od 08.05.2019. godine.

Shodno navedenom, odredbama Zakona o javnim nabavkama BiH i općim aktima Zavoda, a imajući u vidu činjenicu da je ponuda ponuđača iz člana 1. ove Odluke dostavljena u odgovarajućem roku, te da ispunjava formalno pravne uslove sa istim će se zaključiti ugovor.

Iz navedenih razloga, primjenom člana 64. stav (1) tačka a), člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), odlučeno je kao u članu 1. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 10 dana od dana prijema Odluke o izboru najpovoljnijeg pouđača, u skladu sa članom 101. stav (4) tačka a) Zakona o javnim nabavkama ("Službeni glasnik BiH", broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostavljeno:

1. Ponuđaču (e-mail)
2. Sektor za planiranje i praćenje ugovora
3. a/a



DIREKTOR

Mirsad Hodžić, dipl.ecc.